

Priloga	18. 01. 2002
Org. jed.	Broj
01/5-011-270/02	

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ljudska prava, imigraciju, izbjeglice i azil

Broj: 01/5-011-270/02.

Sarajevo, 18. marta 2002.

Z A P I S N I K

sa 14. sjednice Komisije za ljudska prava, imigraciju, izbjeglice i azil.
održane 18. marta 2002. godine

Sjednici Komisije prisustvovali su Osman Brka, Bahrija Osmanović, Mustafa Cuplov, Violeta Kamberović, Omer Filipović i Dušan Stokić.

Zbog službenog puta odsustvovali su Miloš Jovanović i Miro Grabovac, kao i Franjo Majdandžić koji izostanak nije najavio.

Sjednici Komisije prisustvovao je Slobodan Nagradić, pomoćnik ministra za ljudska prava i izbjeglice i Havier Francisko, viši pravni savjetnik za institucije ljudskih prava pri OSCE-u za Bosnu i Hercegovinu.

Za sjednicu Komisije usvojen je sljedeći

D N E V N I R E D:

1. Usvajanje zapisnika s 12. i 13. sjednice Komisije,
2. Razmatranje Prijedloga zakona o pravima nacionalnih manjina u Bosni i Hercegovini,
3. Organizacija okruglog stola,
4. Tekuća pitanja.

Ad – 1: Usvajanje zapisnika s 12. i 13. sjednice Komisije

U vezi s Zapisnikom s 13. sjednic Violeta Kamberović je kazala da je na prošloj sjednici ukazala na težak položaj Roma u BiH, a u Zapisniku stoji da Komisija nema instrumenata da riješi ta pitanja. Naglasila je da smatra da mi ne moramo rješavati njihova pitanja, ali da možemo pokušati sagledati probleme i ugroženost tih ljudi i da i dalje samtra da su ugrožena njihova ljudska prava i da se nad njima vrši diskriminacija. Zamolila je da se na sljedećoj sjednici Komisije u dnevni red uvrsti razmatranje pitanja romske nacionalne manjine.

Predsjedavajući Komisije Osman Brka je na primjedbu g-de Kamberović odgovorio da je on sam rekao da Komisija, nažalost, nema instrumenata i da je sugerisao da Komisiju ne bi previše optrećivali s nekim pitanjima koja ne može riješiti. Rekao je da, ukoliko g-đa Kamberović insistira, nema nikakvih problema da se to uvrsti

u dnevni red, da Komisija zauzme određene stavove i da se stavovi Komisije po tom pitanju znaju.

Gospođa Kamberović je prihvatila objašnjenje predsjedavajućeg, čime je ostala obaveza da se pitanje položaja romske manjine uvrsti u dnevni red naredne sjednice Komisije.

Dalje o zapisnicima nije bilo diskusije.

Komisija je jednoglasno usvojila Zapisnik s 12. i Zapisnik s 13. sjednice Komisije za ljudska prava, imigraciju, izbjeglice i azil.

Ad – 2: Razmatranje Prijedloga zakona o pravima nacionalnih manjina u Bosni i Hercegovini

Uvodne napomene dao je predsjedavajući Komisije g-din Osman Brka. Podsjetio je na zaključak Komisije sa prošle sjednice, da se razmatranje predloženih zakona o pravima nacionalnih manjina – predlagača Kluba poslanika HDZ-a i Vijeća ministara, odloži zbog razgovora parlamentarne delegacije sa Venecijanskom komisijom, koji je održan u Parizu 01. marta 2002. godine. Zatim je upoznao Komisiju o toku razgovora sa Venecijanskom komisijom u kojim je i sam učestvovao, te da su, nakon tog sastanka, a na njegovu inicijativu, gospođa Krešimir Zubak i Mariofil Ljubić prihvatili da zajedno pokušaju naći kompromis kako bi se sačinio jedan tekst zakona koji bi Komisija uputila prema Predstavničkom domu. Rezultat tih razgovora su amandmani gospodina Mariofila Ljubića koje je podnio na Prijedlog zakona o zaštiti prava nacionalnih manjina čiji je predlagač Vijeće ministara, s kojim se usaglasio ministar za ljudska prava i izbjeglice Krešimir Zubak, a što podrazumijeva da poslanici HDZ-a ne insistiraju na svom prijedlogu zakona, rekao je, pored ostalog, predsjedavajući Komisije. Dalje je rekao da su članovi Komisije dobili podnesene amandmane Mariofila Ljubića, te otvrio raspravu o amandmanima i o Prijedlogu zakona o zaštiti prava nacionalnih manjina koji je predložilo Vijeće ministara.

U okviru ove tačke kraće su diskutovali Omer Filipović, Dušan Stokić i Osman Brka, te Slobodan Nagrađić, pomoćnik ministra za ljudska prava i izbjeglice.

Poslije diskusije u kojoj su razjašnjena određena pitanja, Komisija je jednoglasno usvojila amandmane g. Mariofila Ljubića na Prijedlog zakona o zaštiti prava nacionalnih manjina - predlagača Vijeća ministara, koji su ovim postali sastavni dio Prijedloga zakona. Potom je Komisija usvojila i Prijedlog zakona o zaštiti prava nacionalnih manjina.

Ad – 3: Organizacija okruglog stola

Predsjedavajući Osman Brka upoznao je Komisiju da je u dva-tri navrata imao razgovore s predstavnicima OSCE-a i da je izvjesno da će OSCE preuzeti finansiranje troškova održavanja okruglog stola. Dalje je upoznao Komisiju o dosadašnjim aktivnostima na konstituisanju Organizacionog odbora, a onda iznio svoja razmišljanja o učesnicima na samom skupu, spomenuvši iz inostranstva gospodu Holbruka, Badintera, Mazovjetskog, te Šerifa Bastijunija koji živi u Čikagu, a koji je pet godina radio u Bosni i Hercegovini na ljudskim pravima. Rekao je da svaki član Komisije, ujedno i kao član

Organizacionog odbora, treba da predloži odredene ljude koji bi bili govornici na okruglom skupu.

Mustafa Cuplov je sugerisao da bi o održavanju okruglog stola trebalo obavijestiti i Interreligijsko vijeće koje se bavi opštim problemima vezanim za pravo na vjeru i okuplja sve konfesije, pa da se oni odrede o svom eventualnom učešću na ovom skupu.

Omer Filipović je sugerisao da se na sljedeću sjednicu Komisije pozovu predstavnici univerziteta koji će se uključiti u Organizacioni odbor, kako bi oni izašli sa svojim prijedlozima za učesnike da bi se mogle blagovremeno vršiti pripreme.

Bahrija Osmanović je predložila da predsjedavajući za narednu sjednicu sačini prijedlog učesnika, o čemu bi Komisija prodiskutovala. Zapitala je da li će biti pozvani predstavnici institucija koje se profesionalno bave pitanjima zaštite ljudskih prava.

Violeta Kamberović je, pored ostalog, kazala da bi okrugli sto trebalo iskoristiti da se dode do jednog zajedničkog zaključka – da se vidi kakva je situacija u BiH i da se onda pokušaju umrežiti sve institucije kako bi se rješavali određeni problemi.

Predsjedavajući Osman Brka je konstatovao da je svaka sugestija dobro došla, istakavši da je namjera da se na skupu okupe vrhunska imena bosansko-hercegovačke, evropske i svjetske pameti, pri čemu se, naravno, moraju uspostaviti određeni kriterijumi za učešće. Svoje učešće, aktivno ili pasivno, svakako će uzeti svi državni organi u BiH, među kojima i predsjedavajući i članovi Predsjedništva i poslanici i delegati državnog parlamenta, rekao je, pored ostalog, predsjedavajući Brka, sumirajući raspravu o ovoj tački dnevnog reda.

Ad – 4: Tekuća pitanja

Predsjedavajući je obavijestio članove Komisije da se za narednu sedmicu očekuje sjednica Komisije sa samo jednom tačkom dnevnog reda – Konačni dogovor u vezi s organizacijom okruglog stola.

Također je upoznao Komisiju da je imao razgovor s g. Hanneke Gelderblom, izaslanikom Vijeća Evrope, koja je izrazila želju da se sastane s Komisijom radi razgovora u vezi s ispunjenjem uslova koje BiH preuzima prijemom u Vijeće Evrope. Rekao je da je dogovoreno da se taj sastanak održi 03. aprila, te zamolio članove Komisije da planiraju svoje vrijeme.

Violeta Kamberović je kazala da je g-đa Gelderblom i sa njom imala razgovor i isti sastanak tražila sa Komisijom za ostvarivanje jednakosti spolova, te je sugerisano da to bude zajednički sastanak obadvije komisije.

Predsjedavajući Brka je upoznao Komisiju da je za sekretara Komisije imenovan novi čovjek koji danas nije prisutan, te da će on preuzeti i organizovanje posjeta Komisije nekim opštinama. Zbog kratkoće vremena realno je očekivati da se prolomiraju datumi posjeta koji su dogovoreni, pri čemu će se voditi računa o drugim obavezama pojedinih članova Komisije koje su najavili dosadašnjem sekretaru.

Ovim je završen rad 14. sjednice Komisije za ljudska prava, imigraciju, izbjeglice i azil.

Sastavni dio Zapisnika je transkript 14. sjednice Komisije.

ZAPISNIK SAČINILA

Rajka Stanišić

PREDSJEDAVAJUĆI KOMISIJE

Osman Brka

